

پاڅار ايرتسې

في ۲۰ شوال سنه ۱۳۳۸

وفي ۱۱ تشرين اول سنه ۱۳۳۶

جمعيت علميه اسلاميه نك ناشر افكاريدر

صاحب امتياز :

فاتح مجيز درسعاملرندن

استانبول مبعوث

مصطفى عاصم

سرمحرر :

فاتح مجيز درسعاملرندن

توقاد مبعوث

مصطفى صبري

مدیر مسئول :

مكتب قضاة معلملرندن

كلپسلي منير

مندرجات

ادبيات	ع . خيري	اون بئش، اون آتئ سنه اول يازلمش اثرلرمدن
شيخ سعدينك بر سرگذشتي طاهرالمولوي	شرف الدين	يمينك سبب تشريري
تضمين سعويالمولوي	م . صفوت	تركياده يكي بر اثر ترقى
ملئتي سورم ع . خيري	نطقك ترجمه سي	عظم زاده رفيق بكك شام شريفده ايراد ايلديكي
بر تاريخ وفات سعويالمولوي		



نسخه سي ۱ غروشدرد

آبونه اجرتي (پوسته اجرتيله برابردر)

ممالك اجنبیه ایچون :

۶۰ ، ۲۰ فرانق

» ۱۰۰ ۳۰

استانبول وولایات ایچون :

بر سنه ليكي ۶۰ غروش

التی آيلنى ۳۰ »

درج اولئيمان اوراق اعاده ايدلمز

قارئلر مزه

۱ کثره مقالاته آيات کریمه واحاديث نبويه درج ايدلمش بولنديني نظراعتباره آلتهرق رعایتسزلکنده بولنلمامسی رجاواننور .

در سعادت

محمود بك مطبعه سنده طبع اولنمشدر

صوکراده کرو بیان عرش اعلا دیکله سین
حاصلی صدق افاددم زیر وبالا دیکله سین
« شاهد اولسون عشقمه ارض وسما سودم سنی »

§

بر شب مقمرده چرخك بدر نورانی
تاب فیضا فیضه غرق ایتدکده خاک ظلمتی
بر سنی ، برده دل نأرده نور صفوتی
ایله یوب رؤیت زمین وآسمانك هیئت
« شاهد اولسون عشقمه ارض وسما سودم سنی »

§

ای جمالی غبطه بخشای ضیای آفتاب
جان ودل پروانه در رخسارکده بی اریاب
بن پرستارم سکا آلسین جواب باصواب
کوکده اعداد کواکب، رده ذرات تراب
« شاهد اولسون عشقمه ارض وسما سودم سنی »

§

زبدۀ آمالم آنجاچ سنسك ای رشك ملك
معنی لفظ امل بنجه سنی سومك ديمك
ای شکوفه زار فکر طاهره خوشبو چیچك
« بن بو سوردن دونمزم دور ایله دیکه نه فلك »
« شاهد اولسون عشقمه ارض وسما سودم سنی » [۱]

۲۲ مارت سنه ۳۲۰

طاهر المرادی

بر تاریخ وفات

قاسم پاشا جوارنده بیوک پیاله ده کائن قورت بك
زاویه سنده سجاده نشین بولان (الشیخ سلیمان صافی
افندی) کچن سنه یتیم یاشنی متجاوز اولدینی حالدۀ ارتحال
داربقا ایلشدی . وقوعات عادیه دن اولقی اوزره تلقی
ایدلسی طبیعی بولنان بو وقعیه دائر شویله برقاج سطر
[۱] بیت . شیخ غالب مرحومکدر .

یازلسنی قارئین کرامدن برچوخی احتمال که سیهوده
کوررئر . ینه احتمال درکه بومیانده فقیره کولنلر بیله
بولنور . فقط مسئله تاقی ایدلدیکی کی دکلدر . طریقت
علیه قادریه ونقشیه قدمای مشایخندن بولنان مرحوم
سلیمان افندی، باشلی باشه بر جهان دیگر ایدی .
بقیة السالف بروی دریادل ایدی . حیاتنک بتون صفحه تی
هرکسک بیلدیکی طرز حیات ومعیشته کلیاً ضد اولدینی
کی صورت ارتحالی ده امثاله نادر تصادف ایدیلیر
برحالت عجیبه ده واقع اولمشدر . مرحومک خصوصیات
احوالندن بحث ایدمک لازم کلسه بیوجك بررساله
تألیفی اقتضا ایدر . بو امنیه بی بشقه بر زمانه تعلیق
ایدرك یالکیز شوقدر عرض ایدیم که : مرحوم
تصوردن فضله فقیر ایدی . فقط هر درلو فکر وملا .
حظه نك فوقنده برغنائی قلبه ، برنشیه مالک ، مستغنی
بودونبود برقلندر عارف ایدی . احباب فضیلتندن
اولدینی حالدۀ محورسوم ایش مرتبه هیچی بی اختیار
ایتمشدی .

حقایق دان ایسه ک محورسوم ایت صفحه دلدن
نوامیس آشیانان خداده آن و این اولماز
دستور حکمتنک تمایله ماسدی ایدی .
یتیم یاشنده بر بیر محترم ایکن درت بش یاشنده کی
چو جقلارله طفلانه اوینار اوینار ، بو طرزده کی عبادتندن
فوق العاده ذوقیاب اولوردی .

کندی بی کورن سطحی نظران، علی العاده برزوزه ک
عد ایده بیلیردی . فقط دقایق بینان نظرندۀ او پک
بشقه برماهیتی حائزدی . اهل دل ایدی . فاضل ایدی .
اولانجه معناسیله کامل ایدی .

برکون سر طریق بولندینی بشکطاشده واقع (یحیی
افندی قدس سره) درگاه شریفه کیدر . « بو کیجه حضرت
پیرک خصوصی مسافری اوله جنم . « دیهرک مواجهه
مشار الیه ده مستغرق اولور . علی الصبح نمازه او یاندیرلق

آثار منتشره

اناطولی قاضی عسکر اسبقی سماحتلو الحاج شکری افندی حضرت تلمینک (منتخبات مننوی) نامیلہ تالیفہ موفق اولدقلری شایان مطالعہ اثرک بشیور عددی دونمای عثمانی معاونت ملیہ جمعیتہ اهدا اولمش اولدیندن مشار الیہی ابراز ایلدیکی حمیتدن طولایی تقدیر ایلرز.

مشار الہیک (کشف المعالی شرح بدأ الامالی) نام اثری دخی بوکرہ موقع انتشاره وضع اولمشدر مطالعہ سنی قارئین کرامہ توصیه ایلرز.

علم اصول حدیثدن «بیقونیہ» متن مشہوری طراباس شام علمای اعلامندن مرحوم الشیخ محمود نشابہ افندی طرفندن جداً نافع بر اسلوب بدیع اوزره شرح ایدیلہرک اخیراً نشر ایدلمشدر. حکا کلردہ فروخت ایدلمکده بولنسان بو اثر قیمتمدارک اوانسدہ فاضل شہیر «حسین جسر» افندی حضرت تلمینک تقریض آمیز بر مقدمہ لری ده واردر. برر دانه ایدینلمسنی اربابنہ توصیه ایدرز.

تصحیح

کچن هفته کی

بنزدیک (صاحب دلان) جاهلست

مصرعی بنزدیک بید انشان جاهلست

اولاجقدر.

ایستندیکی سردهه همان روحنک مشتاقی بولندیغی عالم راز و حقیقته شہر کشای ارتحال اولدینی کورولور. جنازہ سی کال حرمتله خطیرہ پیر مشار الیہدہ رحمت الہیہ یہ تودیع قلنور.

طفولیتہ مدبری النی اویمک، دائماً محاسن رشادتندہ بولمغله مباهی اولدیغیم بو وجود نادر الموجدک فراق سوریسندن فوق العادہ متأثر اولدم. الا آن دخی باقی اولان بو تأثر سائقہ سیلہ تاریخ آتی یی یازدم. سائر آثار بی مقدار حقیرانہم کبی بونکده هیچ بر قیمت و مزیتی اولمیدیغی بیایدیکم حالده بورایہ نقل ایدیشم روان معصوم مشار الیہہ بر فاتحہ استجلابنہ وسیلہ اولمق فکرنندن منبعثدر. ایشتہ تاریخ:

دریا دل یکانہ سامان حق شناس
جسر جهانندن ایتدی سلامت ایله مرور
شیخ کال پرور وصافی فوآد ایدی
بولمش ایدی مجاهدہ فقر ایله حضور
ستین سال درگہ یحیای پیرده
اولمشدی سر طریق رشادت بلا قصور
برشب حضور پیرده مشغول خواب ایکن
معراج سری ایلدی بردن برہ ظهور
ترک ثیاب جسم ایله روح مطہری
دریای رحمتہ قاتیلوب اولدی غرق نور
تاریخ انتقالی اعلاماً ای سعود!
چیقدی دیدی بر اهل تولى «هو الغفور»

۱۳۲۷

سعد المروری

مدیر مسئولی: محمد منیر

محمودیک مطبعہ سی